

www.BibleForChildren.org


MATIU 26



Ma nang a pitnö
ma öng ne bung
kalik im mesila xö
Luxa ne Nuan Lexe,
Jisas ixo wan urungan
Betani xö lagunon te
Lasarus, ewe ine nang e
Jisas ixo öro ine xalik a
minet. Io, Maria ixo kip lo a sada
möxö sasalap tobo rengrengen
ma 'nart', ma i eöt ma subana kilo.




Ma xinuxun
möxönan a lak
taxin. Maria ixo kip
lo ina sada ma ixo linge
ösu xö nine xexene e
Jisas, ma ixo salap mabo bebene
öxöno. Ma a sixine möxö ina sada
ixo wöwö xirip kö gunon.



Me Judas Iskariot, öng möxö ina sangaun ma ninöng,
ixo wan pösöt abo pris tataxin tua isik tewe e Jisas
kö limedi. Ma nang idi toxo ölangen
ina na, idi toxo axanan köba.
Ma toxo kubus tinenge rua
ratabaa ine ma tuluwok. Io,
ine ixo urulo ra winara siwin
te mangana ngas
mamaran tua isik e
Jisas kö limedi.



Io, a nine bak ne ausu toxo pet
inabo lalaa xarnang Jisas ixoro
tengen sik kidu bie, me idu toxo
tagure a nien möxö Luxa ne Nuan
Lexe. Ma nang idi angen toxo aan,
Jisas ixo kip lo a beret ma ixo
tengen deek kö God, io, ixo pidik,
ma ixo tabaa nanin abo bak
ne ausu re ine min,
ma ixo tengen
te idi, "Mum
moro kip lo
ma moro en.
Ina na a aike."



Io, ixo kip lo a kap wain, ma ixo
tengen deek kö God ma ixo
örarabaa idi min, ma ixo tengen,
"Mum kirip moro inim könan.
Ina na a dee re e rua öturunonin
a kunubus meriso re God,
nang e rabo linge rua
xikip tewe a magingin
saban köbo oleleng
ne marakörö."



"Saimon, Saimon, God iri öbala e Satan bara irabo
könönöin e mum, tua palang elixilixin abo dedeek
mabo sasaban xarnang a öng irabo same a wit tua
xikip tewe abo lewene xalik a irine. Ma lamun e re
seseng lamun nöngön, bara a nunu re nöngön i karabo
subu. Ma nang bara u dödöm
puxus, örobo mana
ölölös abo töm."




Inexalik e Pita ixo tengen, "Orong, e re tagur bara arabo wan arixe me nöngön urungan kö ömokorot ma a minet." Jisas ixo tengen, "E tengen te nöngön, Pita, nixinen nang a xixök i koxobola tenge bang, örobo narun ne öös bara u koxobo ösöxö e."



Io, Jisas ixo wan arixe ma
abo bak ne ausu rine urso xö
önga xönö tobo rengrengen
me Getsemani, ma ixo
tengen te idi bara, "Mum
moro xisixis sa me e ra
wan uruo mara seseng." Ine
ixo seseng bira, "Mama,
Mama re e, nöngön u öt ta
wewet abo mangana laa
xirip. E mamaa bara örobo
irewe ina tiip na xalik e, ma
lamun u bele muu eörin a
mamaa re e. Kaim. Örobo
muu a mamaa re nöngön iat."



Io, Judas ixo wan urungan kö komo ma ixo silien a
uleng ne umri mee Rom ma uleng ne köbat niang abo
pris tataxin mabo Parasi toxo tile. Me idi toxo
tön abo laam mabo dexe mabo lalaa möxö
inarse. Ma a öng mere idi ixo tee
xöröp tewe a talinge tuun
moxö tene tinörön kö pris
taxin. Ma lamun Jisas ixo
tengen, "Iri eöt ina na!"
Ma ixo sigi a talingine
ina tödi ma ixo
ölanglanga ine.



Io, idi toxo töndik ine, me idi toxo silien tewe ine ma
toxo kip lo ine urungan kölöme xö gunon möxö pris
taxin. Me Pita ixo mumuu nana,
ma lamun ixo ömat aulik
kalik idi. Ma nang idi
toxoro usumot a ia
sösöt kölöme xö
xönö möxö gunon
ma toxo kis kö
pu arixé, Pita ixo
kis kö pu arixé
midi.



Önga tene tinörön möxö
sisila raxin möxöbo pris,
ine a öng mere ina
tödi niang e Pita ixo
tee xöröp a talingine,
ixo tenge wösö, "Xalik
nöngön mon e xo pere
nöngön arixe me ine
kölöme xö komo olip?"
Xina axana bung niang e
Pita ixo öös tewe baling,
a xixök ixo tenge.
Me Pita ixo wan su ma ixo
gee saban arixe.




Io, idi xirip abo sisila nang toxo kis
etok toxo taru kaa ma toxo silien
tewe e Jisas urungan mesila re
Pailat. Io, Pailat ixo ose e Jisas,
"Nöngön a king möxöbo Judeia?"
Jisas ixo balu ine bara,
"Ine mon xarnang u
tengen." Pailat ixo mamaa
rua uguran tewe e Jisas,
io, ixo tengen öbaling kö

marakörö. Ma lamun idi
toxu xukup iat bara,


"Tut ine xö sölöxöröp!
Tut ine xö sölöxöröp!"




Io, Pailat ixo isik e Jisas urungan
im kö limine idi bara tabo tut ine
xö sölöxöröp. Io, abo umri toxo kip
lo e Jisas ma toxo lamus tewe ine.
Jisas ixo sölök lo a sölöxöröp pe
ine iat ma ixo wan su urungan kö
xönö möxö Siine Öxöno Tödi (niang
kö tinenge me Ibru tobo
rengrengen me Golgota.)



Me idi toxo tut e Jisas
kö sölöxöröp pingan ee,
arixe ma nine tödi
xabise. Idu xö nine
lawa, me Jisas
kaluluon.



Ma ixo lörörö ra luono xaken, ma a ködö ixo wanot ma
ixo tawi xirip ina öxöno lagunon ot kö narun ne axana
bung kö aien, möxösa, a xaken ixo mun. Ma a xönö
man taxin meringan kölöme xö
gunon ne lotu raxin ixo
tamadidi ninöng ne xönö.
Jisas ixo kup wösö raxin bira,
"Mama, e isik a tanono e xö
tabalana limem." Ma
nang ine ixo tengen
sik bira, ixo met.



Io, Josep me Arimatia, ine a öng möxö
duöng taxin möxöbo kansel. Me
ine iat bölök ibo xixiset lamun
a kingdom kö God. Ine ixo
wan pösöt e Pailat ma
kaim ine xo binuut ma
ixo ose ine lamun
a minet te Jisas.
Io, Josep ixo kun
abo man

pidien ma ixo tön
ösu ina aine. Ixo
kait pi ine ma man
pidien, ma ixo bulus
ölaxa ine xö lieng
niang ixoro luok
tewe xalik a wat.
Ma ixo ubun pi a
marana lieng ma
önga wat taxin.



A bung möxö tagure abo
lalaa möxö bung Sabat
iri kawam, ma xö bung
melamu, abo pris
tataxin mabo Parasi
toxo wan pösöt
e Pailat.



Idi toxo tengen, "Asuono
orong, mem me dōxōmen
lo a tinenge ina tene
rōxrōxō ixo tengen
niang ixo to sik bara,
'E rabo taru baling
melamu xō
narun ne bung."



"Io, idi toxo wan lo ma toxo balaure
ödeek ina lieng biringan.
Idi toxo isewi a wat
nang ixo pet pi sik a
marna lieng, ma
toxu wan lie sik
abo umri rua
balbalaure
ödeek ine."



Melamu xö Sabat, xö puxu bubung
kö Sade, Maria mee Makdala, me
Maria xabise, idu toxo wan
lo rua werwere ina lieng
ne minet. A gie raxin
ixo ot, möxösa, önga
angelo xö Orong ixo
wan su meruso xö
balana kubu.

Ixo wan pösöt ina lieng ma
ixo ubun tewe ina wat ma ixo
kis kaa sik könan. Abo umri
nang toxo balaure sik ina
lieng ne minet, toxo buit
köba, io, toxo dede xirip ma/
binuut ma toxo xarnang abo-
tödi minet.



A angelo ixo tengen kö nini une,
"Ganim e mu ra binuut. E ösöxö
bere mu mo wawara siwin e
Jisas, ewe niang toxo taba
ine xö sölöxöröp. Kaim
ine ra, me ine iri taru
baling kalik a minet,
xarnang ine ixoro
tengen sik. Mu
moro

miang ma moro pere
ina xönö niang toxo
ömarin ine e."



Io, a nine une toxo wan saxit mon kalik
ina lieng, idu toxo buit ma lamun toxo
wöwö ma axanan, ma toxo ulo rua
rengrengen osen abo bak ne ausu
rine. Saxit mon, Jisas ixo esuo
me idu. Me ine ixo tengen,
"Puxu." Idu toxo wanot pösöt
ine, me idu toxo töndik a
xexene

ma toxo lotu rine.





Melamu arixe im, e Jisas ixo ot pösöt ina sangaun
ma öng nang toxo aan. Ine ixo köö idi, möxösa,
kaim idi xo nunu ma abo baladi ixo tabönöt köba
rua nunu re nangadi nang toxo pere bere ine i taru
baling. Malamu nang e Jisas a Orong ixo wöwörö
re idi, God ixo kip lo ine uruso lömö xö watmaep,
ma ixo kis kö lawa tuun te God.



Io, God ine ma önga Barok kalik
mon. Me God ixo mamaa xöba lamun
a öxöno lagunon, io, ixo isik ösu ina
Barok ke ine, bere ewenene niang
i nunu re ine i karabo met,
ma lamun irabo kip a
to ulorexe.



ROM 3:23 Me idi te eöt, möxösa, idi xirip te pet a sasaban me idi tere subu rewe xalik a mariris se God.

ROM 6:23 Ruasa, möxösa, a xinuxun möxö magingin saban, ine a minet. Ma lamun a arabaa xö God nang i tabaa tataunin ire min, ine a to ulorexe saxit nang i kis kölöme re Krais Jisas, a Orong ke ire.

IBRU 9:27 Io, me God iri tulus sik bara a nangadi xirip tabo met kö önga axana bung mon. Melamu im, idi tabo tuu xö warkurai.

EPESES 2:8,9 Ma ina na i maras, möxösa, God iri öro e mum nang mum moxo nunu, ma ixo pet bira xö abalamu re ine niang ixo tabaa tataun e mum min. Me mum koxobo pet ina ineöro. Kaim. Ine a arabaa re God. Ma ina ineöro i koxobo ot meringan köbo tatalien deek ke mum, bara xalik ke öng irabo ölolot.



ROM 10:9,10 Nang bara u wöwörö maras ma ngalam bere Jisas Krais ine a Orong, ma nang bara u nunu xö balam bere God ixo öraru öbaling ine xalik a minet, io, e Orong irabo öro nöngön. God irabo kure bara nöngön u töxödös kö wawara re ine, möxösa, u nunu ma balam. Me God irabo öro e nöngön, möxösa, u bo wöwörö maras ma ngalam.

JON 3:16,17 Io, God ine ma önga Barok kalik mon. Me God ixo maaa xöba lamun a öxöno lagunon, io, ixo isik ösu ina Barok ke ine, bere ewenene niang i nunu re ine i karabo met, ma lamun irabo kip a to ulorexe.

Me God kaim kö tile ösu a Barok ke ine ura xö öxöno lagunon bara irabo ömokorot a öxöno lagunon, ma lamun ixo tile ösu ine bara irabo öro ire.



1 JON 5:11-13 Ma ina atöngösen nang e God ixo öturunon
tö ine, ine bira: God ixoro isik tabaa ire ma to ulorexe
ma ina to i meringan kö Barok ke ine.

Me ewenene nang i kip a Barok ke ine i kip sik a to
ulorexe. Me ewenene nang i kobo kip lo a Barok kö God,
ine i kobo kip sik a to ulorexe.

E geet inabo lalaa na urungan tö mum ewe mum mo nunu
xö esene a Barok kö God, rue mum pa ösöxö bere mum
mo uruoxe a to ulorexe.



MATIU 26-28; LUK 22-24; JON 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Barok Bible (bjk) © 2017, Wycliffe Bible Translators,
Inc. All rights reserved.

<https://www.bible.com/en-GB/bible/3249/MAT.1>

©2026 Bible for Children, Inc.

www.M1914.org

www.bibleforchildren.org

